



“I te cherdì con to ennom” dij le Signur.

La ploania d’La Pli tol sò con ligreza te sòa comunité i jomelins **Paul y Lukas Ploner** (Flo) y ti fej les miús aodanzas ai geniturs Thomas y Katrin: Idio, la Oma dal Ci y i Sanc Patrons acompagneii Üsc mituns con sòa benedisciun y proteziun.



Le Signur se benedesci y ciari de os. Le Signur lasci lominé so mūs sora os y se dáì sòa grazia. (Num 22, 24-25)

La ploania i fej les miús aodanzas de benedisciun y fortüna ai nüc **Stefanie Obojes y Agostin Craffonara** co se dá adöm tal sacramont dal matrimone en sabeda ai 24 de jügn a Sares.

Prozesciun a Curt: deache la sabeda dai dis dles crusc é tomada fora la prozesciun a Curt la tignunse **en vendres ai 23 de jügn** (Sacher Cör de Gejú) ales 20:30. A Curt vegnel tigní na zelebraziun dla Parora de Dio, dedô gnunse zoruch a La Pli con les cianderes, co ven partides fora a Curt. Düc é enviés da tó pert.



enformaziuns y termins

Le Zenter Families Mareo/1: le ZFM met da jí „Musiga por mituns“ - soné, cianté, jüc ritmics, stories sonores, balé, por mituns dai 2 ai 3 agn (acompagnés da en genitur) y da 3,5 ai 5 agn (ma i mituns) con Ester Videsott por endöt 10 iadi, 2 iadi al edema, lönesc y vendres dai 3 de iuli ai 4 d’agost tla scora elementara d’Al Plan. Da se prenoté anter i 30 de jügn pa Helga Rubatscher, ☎ 333 2181049 o helga.rubatscher@rolmail.net.

Le Zenter Families Mareo/2: le ZFM met da jí “Al ea en iade ... na storia, co vir ciamo aldedancö te nosta fantasia” por mituns dai 5 ai 10 agn con Irina Tavella, stories, jüc, ceramia, pitöra, co stimoleia la creativité dai mituns, la motorizité fina y i porta a contat con la natöra. 6 iadi dai 10 ai 21 de iuli, lönesc, dedemesaledema y vendres dales 9:30 ales 11:30 tal “Atelier dl’bosch” de Irina Tavella, Al Plan Dessora. Informaziuns y prenotaziuns pa Irina, ☎ 339 8557964 o pa Helga, ☎ 333 2181049.

Biblioteca: la biblioteca “Angelo Trebo” a Al Plan romagnará slüta dai 19 de jügn cina ai 02 de iuli.

Döt le bun a:	Irma Iuliana Trebo, <i>Al Plan</i>	19.06.1942
	Eduard Erlacher, <i>Al Plan</i>	19.06.1942
	Lois Maneschg, <i>Bornech</i>	20.06.1942
	Anna Ellecosta Orru, <i>Maran</i>	22.06.1937
	y a düc chi co á santennom y compless i agn cöst’edema	

Impressum: Ploania d’La Pli; redaziun Franz Rigo y Edith Willeit
Comunicaziuns: cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MHz



VAL BADIA
www.unitepastorala.org

Ann A

18.06.2017 - GRAN FESTA D'LES ANTLÈS
CORPUS DOMINI

n. 30

Le pan co fej cumunité

☞ Deut 8, 2–3.14b–16a | 1 Cor 10, 16–17 | Jan 6, 51–58

Dal Vangelo do San Jan:

Te chel tomp ti á Gejú dit ala meja: ⁵¹Iu sun le pan vi co é gnü jö dal ci. Sce önn mangia de cösc pan viará por dagnora. Le pan che iu dará é mia cern, i la dá ca por la vita dal monn. ⁵²Danló se stritá i iüdes y dijea: Cò sciáfíel pa da nes dé sòa cern da mangé? ⁵³Gejú ti á dit: Amen, amen, i ves diji: Sc’i ne mangeis nia la cern dal Fi dal Om y ne boeis nia so sanch, ne n’eise nia la vita te os. ⁵⁴Chel co mangia mia cern y ber mio sanch, á la vita eterna, y iu le ressuscitará l’ultimo de. ⁵⁵Deache mia cern é veramonter na speisa, y mio sanch é veramonter na boanda. ⁵⁶Chel co mangia mia cern y ber mio sanch, chel romagn te me y iu romagni te el. ⁵⁷Desche le Pere co vir m’á mené me y desche iu viri tres le Pere, ensciö sarál vignönn, co mangiará me, co viará tres me. ⁵⁸Cösc é le pan co é gnü jö dal ci. Con cösc n’éra nia, desco con le pan che i peri á mangé y é empó morc. Chel endere co mangia de cösc pan, viará por dagnora.


I ponsun do

Da vire adorunse le pan da vigne de, mo ince amur y comunité. TI’Eucaristia se scinca Geju le pan dla vita y renforza nosta uniun con el y danter nos.

I periun

Beldio nosc Pere, to Fi é gnü speisa por nos. Dásse le pan dla vita co se lieia a te y danter nos. Por Crist, nosc Signur.

Wilhelm Egger “Sonntagsbibel”



☞ Letöres dla Gran Festa dal Cör de Gejú:
Deut 7, 6–11 | 1 Jan 4, 7–16 | Mt 11, 25–30

Edema liturgica dai 18.06. ai 25.06.2017

DOM 18.	GRAN FESTA D'LES ANTLÈS CORPUS DOMINI	<i>Felize, Simplicius</i>
08:30	gran messa ciantada solena de ringraziamont por l'Eucaristia, ♫ <i>Michael Haydn, Missa brevis a tre voci</i> prozesciun eucaristica con 2 vangeli fora Brach <i>offerta por la ploania</i>	
► 14:30	espi da festa y benedisciun eucaristica	
15:15	funziun dal Bato de Paul y Lukas Ploner	
<i>09:30</i>	<i>s.m. a Al Plan</i>	
Lön 19.	<i>Romuald, Elisabeth, Iuliana</i>	
<i>07:30</i>	<i>s.m. a Al Plan</i>	
Ded 20.	<i>Adalbert, Margareta</i>	
07:30	s.m. por +ti de Blaje s.m. por + Giovanni Ploner, La Munt	
Dem 21.	<i>Alvije (Lovije) da Gonzaga, Alban</i>	
<i>18:00</i>	<i>s.m. a Al Plan</i>	
Jöb 22.	<i>Paulin, John Fisher y Thomas Morus, Christina, Wilhelm</i>	
19:30	s.m. d'aniversar por + Jan Ellecosta, Stifler s.m. por + Ernesto Trebo, Sauter	
Ven 23.	<i>Sacher Cör de Gejú Edeltraud, Hildulf</i>	
► 20:30	prozesciun a Curt, danló zelebraziun dla Parora de Dio y derevers a La Pli con les cianderes	
Sab 24.	GRAN FESTA DAL NADÉ DE JAN LE BACIADÚ, <i>Ivan</i>	
07:30	s.m. de ringraziamont dla fam. Jan y Anna Rindler, Nichele s.m. de ringraziamont en onú de Santa Maria por la fam. Josef y Ingrid Comploi	
DOM 25.	GRAN FESTA DAL CÖR DE GEJÚ <i>Wilhelm, Eleonora, Dorothea</i>	
08:30	gran messa ciantada solena ad onú dal Cör de Gejú → <i>offerta por l'obolo de San Pire</i> ores d'adoraziun: do messa cina les 10:30 Curt, 10:30 - 11:30 La Pli, 13:00 - 14:00 Pliscia	
14:00	espi da festa y prozesciun eucaristica con 2 vangeli fora Brach	
<i>09:30</i>	<i>s.m. a Al Plan</i>	
<i>ampola:</i>	por la fam. Pedevilla, Soröa	
<i>ministronc:</i>	► da doman y domegna: Thomas Ellecosta y Armin Frontull ► da sera y domegna: <i>Federica Ellemunter y Margit Brandlechner</i>	
<i>i recordun:</i>	Jan Paur, <i>Desproch</i> + 23.06.2009	



I laldun y ringraziun vigne momont Gejú tal Santiscimo Sacramont

Gejú, tö Pan de mia vita:

pascionteia mia fan y mio encorsciomun do te.

Gejú, tö Pan de mia vita:

pascionteiemo con töes Parores, co é spirit y vita.

Gejú, tö Pan de mia vita:

sieste la manna te mio desert, co mo dé forza
y mo mostra le tru.

Gejú, tö Pan de mia vita:

damo döt, ci ch'i adori encö por vire.

Gejú, tö Pan de mia vita:

fá fora de me na somonza de to amur
co cresc y porta früt por les porsones.

Ute Weiner



O quam suavis est

Domine spiritus tuus
qui ut dulcedinem tuam
in filios demonstrares
pane suavissimo
de caelo praestito
esurientes reple bonis
fastidiosos divites
dimittens inanes.

♫ *dan le vangelo a Brach*

Wie liebevoll

*ist deine Gesinnung, Herr:
um deinen Kindern
deine Güte zu beweisen
schenkst du ihnen süßes Brot vom Himmel
die Hungrigen überhäufst du mit Gütern
die wählerischen Reichen
lässt du leer ausgehen.*

Antiphon zum Magnificat der 1. Vesper am Fronleichnamfest

O sacrum convivium,

in quo Christus sumitur:
recolitur memoria
passionis eius,
mens impletur gratia
et futurae gloriae
nobis pignus datur.
Alleluia.

♫ *dan le vangelo sön plaza*

O heiliges Gastmahl,

*bei dem Christus verzehrt wird:
das Gedächtnis seines Leidens
wird erneuert,
der Geist wird erfüllt mit Dankbarkeit,
und uns wird ein Pfand
der zukünftigen Herrlichkeit gegeben.
Halleluja.*

Antiphon zum Magnificat der 2. Vesper am Fronleichnamfest

